

玄覽堂叢書

第十六冊

大觀堂藏書

脩攘圖冊序

天下之理其溫然而不忍傷者仁也其毅然而不
可辱者勇也一於仁則將與天下相安於煦育之
區而不知有勇一於勇則將剽制摧陷天地為之
震汨而不知有仁惟其出之有本施之有時兼體
而不累則深於其道者也白石江公以正德庚午
進士銓知建寧為政尚惻愍先教化威惠並行大
得民和召拜戶部劄釐害蔓差監鳳陽度支革錢
斤派積弊疏蠲災青迄滿軍民擁留

公自郎署方逮給由陞知

推也維時少保東塘毛公

公謂遠夷羈縻宜先之文告安南稔公德求識公
面懷疑逗遛前茲八年之調集幾皆瓦解元戎群
公羽檄交徵逆拜公卽出閔處分實以公為孤注
也酋長莫登庸乃起聽命奉朔歸侵補方稱藩
向之桀抗而一朝唯唯泥首面縛詣軍門降驛聞
制詔貫其罪改授都統使給印奉貢寸兵不試而南
荒底定公以身約束垂四年而機鈴撫綏屹與受
降俱築華夷賴之賜陞止于一級賞不酬勳逾時

循資始有雲南按察司副使曲靖等處兵備之命
遽卒論者惜之白石公之子太學生原泉君孫鄉
進士儀卿君取建寧鳳陽太平舊所嘗為圖繪為
一冊凡士民之板留戎衛之讐服轅門之委任土
夷之信順一一為之胷列為之標目一展卷而以
政得民以威服衆以望獲上以畧震遠諸所籍甚
罔不畢具如行漆洧之郊而聽輿人之頌也如過
河南之墟而談長孺之故也如坐烏蛮之庭而攷
二貢二奇歟盛哉夫其發儲平糴勸農化俗
其溫然不忍傷者乎夫其

辭寢兵免冑突壘非其毅

其順疏之而浩乎其往於仁於勇兼体而不累所以成一世之雋功而儼千載之芳祠也昔吾夫子宰中都位司寇攝相事却萊夷若温然而有不可辱也若毅然而有不忍傷也性之者也白石公誦法孔子而又天資自然諸所建置犁然可觀其淵源可知矣夫祖父有善美而子孫弗為傳之是不孝也傳之而不以當時之迹是不核也徒以其迹而不得其至仁大勇交相為用之心是不明也白

石公以仁且勇計安生人而原泉君像卿君復以
孝且核且明之道事其先人一圖而五善萃焉可
以公之天下後世也已

嘉靖丙寅冬十一月之吉

賜同進士出身前江西南安府推官同郡晚生凌瑄
頓首拜書

物因時生...
 身...
 必...
 孝...
 心...

憲使白石江公傳

公姓江氏諱一桂字伯馨別號白石世為徽之婺源人云公少負敏才正德庚午歲領南畿鄉薦數上春官不第乃投策起曰丈夫窮經致用即不得一第顧獨無可行吾志哉竟以嘉靖己丑謁選授福建建寧縣知縣縣故多胥吏深文舞法鄉里之豪率又負貲兼弱侵賦隱徭最漏難治公下車乃專訪風謠亟搜民瘼謹征科之令絕請托之私申小書之制諸所擘畫若矛矢之發矟

其大者歲之春大水民

夏又大旱邑人皇皇公

父老子弟禱乃禱雨輒應父老

弟相顧灑然喜曰即歲有秋非公誰賜哉癸巳

天子用薦者言擢公為南京戶部主事尋陞郎中凡

在部所為禁革而裁定者皆毅乎不可假借事關

會議大者持之更急其時大司徒如王公軌錢公

如京皆倚重之而大宰聞公淵亦署之上等一時

留都蓋赫然有聲云會安南莫夷梗

命銓司求良牧以撫恤邊以乃議公行且曰今日為

地擇人而已而暇為之擇官哉廣西即遠非公不

可乃竟陞公為廣西太平府知府公至以廉平章
顯即徭蛋夷獠亦同閤左順治是時

朝廷有事于安南士馬彭彭遠邇騷繹民惴惴焉日
貼諸危亡是恐也元臣毛公伯溫特徵公往諭公
單車入境宣

上威德莫夷方裂眦搖吻及聞命乃靡靡祇受猶順
風呼聲而嚮應也不亦偉哉烈乎未幾陞雲南按
察司副使不及履任而公且病革矣士交萌庶無

易之按御史洪公垣狀稱公生平

吏事則以儒潤飾故隨

文與政在孔門亦不可
唯謝宣城孔北海尤著脫使公在百代上當與
二公等埒是尤可傳也余因為傳以表之他見于
銘志者不表

論曰余讀古禮士臨民有德沒而民懷之乃祀其
神俾依焉封南國之棠泣峴山之碑何故哉則其
政之感人心深也公去建寧三十餘年彼父老子
弟邈乎散容之不相及也乃油油然思而祠之以
今睹于人心即古今奚殊焉抑余又竊謂公故書

生也乃能以片言奪裔夷之魄卒奏奇勲悅詩書
者疆晉之師興禮樂者恢漢之業公蓋其人乎是
惡可泯泯也哉

隆慶改元丁卯歲中秋日之吉

賜進士第南京吏科給事中楚應城張崇倫頓首撰

...

...

亞中大夫雲南按察司副使白石江先生墓誌銘

初

朝廷有事于安南命重臣督大兵臨之安南裔夷也
負固且遠進則不武止則失威白石先生時守廣
西之太平為接境乃以重望推往諭降之不可則
進兵於時元戎聞臣進止惟谷維先生以撫綏先
聲毅然單騎往宣

朝廷威德詞色厲而溫不激而嚴莫夷始而驚終而
霜雪之摧而又春陽之煦也遂款轅門

奇勳成東塘毛公嘉之敘功

身之國不信其盟而信由之
無有能為之明者已而同事者以次超
用翁則大司馬矣而吾白石乃祇進一階與績溪
餅山胡方伯俱無異賞新安士夫負氣節不肯干
人逐利如此先生在太平凡上司使人過率多有
所需不如例應也小人不得蓄怨造謗繼至督府
張公以其新進有言已乃有悟未幾有雲南副憲
之擢過辭始悉其故張則大悟曰九州之鍊鑄此
大錯適有疾張遣醫饋藥勤勤也既疾不可為則
嘆曰朝廷失一鎖鑰隆禮遣官護其喪以行是為

嘉靖乙巳八月覺山洪侍御狀其行言按廣東時
與毛公議所托公曰非斯人吾誰與歸乃果不負
所舉云初知建寧廉勤恪慎冰蘖自礪遂能制黠
胥剗積弊易民俗作士風賑水則先發後聞救旱
則隨禱輒應入留曹有三月主事成二百年大戶
部之稱有給我卒成式遺不刊之惠提九庫查糧
廳人人所難而為之有術法不能撓患不能干厯
三尚書皆倚重之而太宰石塘聞公尤注意云守

高來叅之禮嚴啓關通貨之禁此乃邊

先生變之又營崇善以附郭